

皇明經世文編

皇明經世文編卷之一百

華亭

陳子龍臥子

宋徵璧尚木

選輯

徐孚遠闇公

吳嘉胤繩如

宋存標子建泰間

李康惠奏疏

疏

李承勛

論知人安民疏

知人安民

臣聞自古帝王治天下之要道至簡至易在知人安民二事而已人曷爲而難知乎毀譽亂之而四目四

皇明經世編

李康惠疏
卷之一

知人安民
會議書

平露堂

聰或不能無蔽也。民曷爲而不安平。守令虐之。而監司不能振風紀以激揚之也。天下之本在君心。我皇上奉天法祖。精明純粹。君心正矣。而天下未治。何也。安危之機在君德。皇上恭以守身。恕以及物。君德盛矣。而治効未臻。何也。蓋由郡縣之官。愛民者少。而殃民者多。爲監司者。又多不肯秉公任怨。以督率其屬。故也。臣嘗稽之。案牘科差。一日重于一日。又嘗察之間閭軍民。一年貧于一年。上澤雖布而不得下流。下情雖苦而不得上達。奉詔寬恤事件。公然廢格。

不行奉旨蠲免稅糧。肆意重復徵擾。其他姦弊。百孔千瘡。實政不修。虛文是急。皇上有不忍人之心。無人爲之宣播。而小民無從得知。皇上有不忍人之政。無人爲之奉行。而小民無從沾惠。太平之治。何日可期。伏望皇上特降勅旨。切責天下巡撫巡按督察有司。繩愆糾繆。使朝有善政。必及于民。民有隱情。必達于上。天下之官。厲民者去。而宜民者留。天下之事。厲民者罷。而宜民者行。事有當爲。卽爲之。而毋以利害爲念。姦有當擊。卽擊之。而毋以強禦爲畏。事有

當言卽言之。而毋以觸犯爲虞。則所謂德之流行。速于置郵者。庶幾可冀。至于兩京科道。以言爲職。亦多不能體。皇上求言求治之心。期年之間。不聞直言時事。間有論列。不過列舉小事。僅以塞責。乞賜叮嚀戒諭。令其展布四體。靖恭爾位。略承順之細謹。務爲善之遠圖。于凡官之失職。政之失宜。知無不言。言無不盡。憲職舉。則遠近鄉風。而郡邑之政。無不舉。言路通。則實事必聞。而隱伏之情。無不通。何憂乎人之難知。民之未安也哉。然治道固非一端。振其頽而起其

憤恐無切于此者。臣言及此。猶有私憂過慮。自古以來。剛直之才。果銳之氣。養之甚難。而折之甚易。蓋敢言敢爲之人。利于善良。而不利于姦惡。利于公朝。而不利于私室。言路大開。容有一二傷于激烈者。人必從而詆之曰。此好名也。萬一譴怒加之。則衆相戒而不敢言之氣挫。言路暫開而復閉矣。撫按舉職。容有一二行事稍過者。人必從而詆之曰。此有挾也。萬一譴怒加之。則衆相戒而敢爲之志沮。風紀之職。暫振而復廢矣。更望皇上建其有極。過者抑之使就中。而始

終保全不及者勉之使企及而不遽廢棄言或逆耳
當諒其心事或逆衆當求之道若戒諭之後各官仍
前畏避不振紀綱以繩姦惡者聽臣等指名奏究罷
黜以爲辱臺之戒又或一時狂愚妄發悞觸雷霆之
威而心實無他者亦望容臣等據實分解以養直臣
之氣周易泰之九二有曰包荒者臣以爲用之于聽
言尤切包荒之量卽大舜隱惡揚善之仁也有曰用
馮河者臣以爲用之于斷事尤切馮河之勇卽文王
一怒而安天下之義也伏惟 皇上清明在躬傳心

之要得之舜文其于修己以安民修己以安百姓特在善推其所爲而已臣等狂瞽妄言仰瀆宸聽不勝兢業

重守令疏

重守令

治化之行自守令始守令之當重人孰不知然徒有重之之虛言而不副以重之之實事亦未見其重也重之之目有四曰求之博而擇之精也曰禮之重也曰責之專也曰任之久也夫知府雖當久任而州縣亦不可不久推官知縣有行取之例雖難以九年亦

必待二三年善政有聞而後可旌異之。又二三年素履無改而後可行取之。更繁調簡之例。一切毋以妨職業。然上有員缺。則下必遞遷。故欲久任之法必行。又自愛惜人才。始伏願。皇上念天之生才至難。君之造就尤難。毋以小過而棄大用之才。毋以一眚而致終身之擯。在上旣無輕棄之才。則下自無速化之術矣。近以言官建白。吏部重守牧之職。而欲公薦天下之賢才。可謂得其要矣。臣愚以爲州縣正官尤爲親民擇之。尤不可不博而精。况京堂之薦舉有限。人

才之隱伏無窮與其限之于數人未若博求于天下
方今撫按于按屬之賢者已有旌揚之典矣但賢才
衆多恐非一人所能盡知而知之未必盡真也用之
未必盡公且當也。自知府論之其選佐則有同知通
判推官之員其屬則有經歷以下至州縣正佐首領
師儒之員莫不各有僚屬又郡邑之中或有志行高
潔甘于山林者皆所謂天下之人才也以僚屬相與
則賢否著于官以鄉士居家則善惡孚于鄉見聞之
間知之必實使各舉所知不拘爵之崇卑不限數之

印漢法每州計戶率秀孝之例

多寡揔以聞于知府而明揚焉。至于布政按察二司亦莫不以所知屬官鄉宦爲薦。因其所薦之人吏部加之以訪察之嚴。叅之以衆人之舉。隨才量地授之以官。不舉者申蔽賢之罰。謬舉者嚴連坐之法。則求才極其廣。薦舉極其公。而選擇極其精矣。夫士莫不願伸于知己。旣受知于君子。則凡中人之才。猶知自勵。而况豪傑之士乎。如是而守令之職。猶稱乏人者。臣未之信也。夫守令之職。旣精選矣。然使待遇之不隆。猶爲未也。夫守令之于統蒞最重者。莫如撫按其

泰謁之禮。蓋著爲令矣。比來守令不問賢不肖。惟以

守令之傷予治大半無按

奉承爲臧否。跪拜頻仍。送迎踰境者。雖知爲過禮而

點可慢之

內喜喜則忘其惡。自處不諂不瀆者。雖知其爲正而

不悅不悅則頓忘其善。或者爭一跪伏之末節。而構

成大隙。又于是從而媒孽其短。假耳目以求其瑕疵。

植心腹以伺其陰私。甚而大張無稽之謗。指廉爲貪。

以正爲邪。而論劾公排。考語私醜矣。朝廷見其羅

織之詞。以爲去之猶有餘辜。而豈能盡知其中不能

無負屈者乎。或未必遽去。而遷就爲之所。使有道之

皇明經世編

李康惠疏

重守令

六

平露堂

士不得行其志。而又蒙其汙。故有高飛深逝之想。而不樂就其職。亦勢之所必至者耳。流俗之見。乃謂某官之賢。如彼。近被挾私一劾。遂致如此。况吾曹衆人。可不曲意依阿乎。至于公事之是非。生民之困苦。天災之迭至。真知其可憂者。誰與。真以爲已憂者。誰歟。天下之俗。愈趨愈下。以至于此。不急改絃。而更張之。誠可爲寒心也。臣願申明憲網。使各遵守。弗得違越。在上者。固不可蔑視國憲。而責其過。爲承奉。在下者。尤不可不知自重。而非禮逢迎。各官在任。果有異政。

者。更隆以殊恩。或榮之以爵秩。或勞之以金帛。或朝
觀之年。特賜召問。則過守令之隆。又自朝廷始不
惟人不敢輕而守令亦知自重矣。如此而不知激勸。
職業未修者。臣未之信也。然任之不專。猶爲未也。今
之守令。凡事必申請于監司。爲監司者亦樂分其事。
否則疑爲輕已。怒及而謗隨之矣。不但提吏叅官。而
又盡收其政。至于瑣細末務。委官規畫。不復關白守
令。既有成案。然後數刊大榜。飭以四六之文。付之施
行。雖有土俗不宜。不得輒有變動。前官之榜。鄉民未

及徧閱而後官紛更又至矣。有志者稍有釐正。動輒
獲戾。僚屬軍民見正官無專主之權。益動忽之。蓋知
上之人必不聽其自任也。復何善政之有。臣愚以爲
凡府州縣一切事務。皆宜付之守令。不得分侵其權。
或疑如此。使郡縣得人則可。如匪人也。不遺殃于民
乎。夫守令旣經簡擇。得人必多。又禮之隆而責之專。
圖報必切。不幸而遇匪人。豈無所以處之乎。且臣亦
非以爲監司可廢也。蓋卑者分其繁尊者執其要。治
體當如是也。撫按二司。但當公以照之。靜以觀之。分

巡分守。或于歲終季終。考其職掌。而申達撫按。覆按其實。因其優劣。而課其殿最。不及則教。大過則抑。反覆之而不悛。于是覈其罪之所在。而去一以警其餘。則賢者不至掣肘難行。而不賢者亦不得以肆其惡矣。守令之職專且久。而職業未修者。臣未之信也。然又不可徒恃虛文而已。大抵天下未嘗無不可救之弊。而患無救弊之誠。亦未嘗無不行之法。患無行法之人。探本覈實之論。惟在撫按得其人而已矣。欲撫按之得人。惟在吏部都察院堂官忠赤肯任怨而已。

提綱之論其開示休

臣願 皇上明勅各該堂官。如遇巡撫之推。必精擇老成重臣而久任之。每歲巡按之遣。不論其次而惟其人。必得識達治體。有憂國之真心者而後及焉。如巡按四五次而舉措中理。輿論攸服者。則查舊例。不次超拜。僉都御史按察使之職。否則回京考察之例。亦必見之行事。不可徒存虛名。蓋在外臣工監司守令。有撫按以舉劾之。巡撫則有科道以糾劾之。而近日則雖同處巡按。亦間有劾之者矣。巡按一方。其任極重。勸懲之典。獨缺可乎。夫 朝廷取舍必公必明。

天下撫按自不患其不得人矣。撫按得人則其舉劾必明必公。天下方面有司亦自不患其不得人矣。雖然監司者守令之原。朝廷者監司之本。故大學首篇極論修齊治平之道而揭其本曰。自天子以至于庶人。壹是皆以修身爲本。伏望皇上正身率德以道修身以身取人。則內而輔弼九卿外而監司守令皆得其人矣。王道之成何遠之有。臣不勝惓惓仰望之至。

定經制以裕國用疏

經制裕國

夫量入以爲出。是謂仁政。量出以爲入。是謂虐政。旣不量入爲出。又不量出爲入。雜然而收。泛然而用。是謂無政。考成周之制。以四分制國用。每歲用三存一。以備凶荒。故三十年之通。則國有九年之積。漢之時。則有計相。唐之時。則有判度支。宋之時。則有判三司。皆所以會有無而制國用也。近年以來。戶部雖有會計之虛名。而無量入爲出之實政。臣愚謂當因其名而舉其實。通查一歲天下稅糧所入。總計若干。經國之費。總用若干。首兩京。次各邊。各省直隸各府。每歲

所入所出俱查有的數分爲二目做周禮用三以足一歲之用存一以備不測之虞萬一所出多于所入則會九卿于堂上科道官各查凡百費用有約于昔而浮于今日必考昔之所以約者請而復之允費甚多但恐刻可開而內不可開又考今

耳

之所以浮者請而約之至于裒多益寡之道撥此補彼又在臨時通融議定務使所出不踰于入之數通將出入總數攢造黃冊一本進呈以備御覽然時有盈虛事有因革每十歲一會而損益之此十年一會之大綱也若歲有豐凶事有多少每歲十一月戶部

會奏各官。通查某處災傷蠲免若干。某處用兵該用若干。則以各處茶鹽商稅之所入者。補足錢糧正額。以備軍國正支。其餘雜用。一切不得糜費。漢毋將隆所謂大司農錢。自乘輿不以給供養。蓋不以本藏給。末用不以民力供。浮費別公私。示正路也。經制一定。取之有經。用之有義。而財恒足矣。

會議事件

會議規畫

今日士大夫忠于謀國者。多以甘肅孤懸吐番內侮爲慮。究其爲說。不過兩科。或曰必復哈密以固藩屏。

是謀非吾所能及也。或曰：但宜填實肅州。此不易之論。然理天下之事者，必須自易以及難，不可舍近而圖遠。經理甘肅，請自蘭州始。將規畫次第，開列于後。

一、復管糧布官。甘肅糧儲舊有戶部郎中一員駐劄蘭州，專理其事，催督民運區處，並糧召商糴買之類，奉聖書而行，責任頗重。今摠制衙門奏革，而以職任付之分巡，邊糧重計，廢專官而令帶管督催，不能如何之周備，其勢然也。又分巡專坐蘭州，則有妨巡歷分務，不廢巡歷，則糧納沿途跟隨，一不便也。蘭州

守候二不便也。平居無事，尚可支吾。萬一羽檄交馳，巡歷督餉二事俱急，顧此失彼，可不慮乎？今欲經略甘肅，必復此官。而妙選其人，此首務也。一河西一繚之路，山多地少，必須仰給河東之粟。成化弘治年間，西鳳各府起運邊糧，多是納戶自運，往往至于破家。後遂改爲折色，每銀一兩折米一石。彼處供事軍衛管糧等官，將銀給散軍餘人等，令其趁熟買糧上倉。領銀則有侵扣抵換之弊，輸納復有守使加耗之陪。又銀一入貧軍之手，未免妄費，催徵不完，遂多逃

避本爲養軍實以累軍此舊日初○辨○之○也○自○古○道○之○和買之爲害也目前

餉軍全仰此舉難以一旦遽革必須圖之以漸自嘉

靖八年爲始每歲戶部于歲計外發銀二十萬兩行

令管糧郎中于蘭州召商糴買每銀一兩糴米一石

時價縱賤官價不減但因時高下其耗以取常平每

石亦不得過四升蘭商買賣輻輳聞價既商糧必雲

集蘭州之積既多招商以漸而及莊浪涼甘二三年

後將見肅州之商亦有可招而強軍領買之弊政可

除矣此後米價每石值銀一兩一二錢以下則放折

即曹人糴運之法但復以官運此則通商耳

銀每石值銀一兩四五錢以上。則放本色。若再如近日。斗米值銀三四錢。地方荒歉之甚。乃立二法。一則令軍士挨次東行。二三日程。就有糧倉。分支本色。是移軍以次而就食于東也。一則轉搬蘭州之積。以救甘肅之荒。是移米以次而漸入于西也。轉搬之役。或借倩通運之閑軍。而官給之車牛。或顧甘肅之車牛。而酬其腳價。是又于運糧之中。寓賑濟之策也。此其大略也。提綱于上。而因時通變督餉中丞。其人也。專任而分理于下。則郎中之責任也。蓋蘭州之積。既實。

本○地○民○運○皆○宜○

則甘涼之氣自克甘涼之積既實則肅州之氣自壯
譬如人之一身元氣充足手足自然強健故詩稱公
劉遷邠始則力于農事終則歸附日衆有夾皇澗卽
芮鞠而居者也釋此不圖而做實力以事遠夷外強
中乾何以支乎此勛所以斷然以治蘭爲甘肅之先
務也諸鎮土俗不同合行經略事宜開列于後總而
論之大要在于得人得人爲巡撫則調度中机宜得
人爲總帥則號令整肅邊軍氣壯而夷虜不敢犯此
二官旣得其人又假以事權而久任之則偏裨之屬

自然皆得其人。而大小庶政。無不舉矣。宜大二鎮地方事體。大略相同。歲收則米賤難賣。而病農。歲歉則米價湧貴。無買而病官。又有勢力之家。刁豪之客。乘青黃不接之時。低價撒放于農。而秋成倍收。五穀低價預買俸糧。而臨倉頂名冒支。此實官軍窮困之根。若官庫有銀。趁熟而糴買。則小民無求于彼。而撒放之弊自清。官倉有米。而按月放支。則官軍無賴于彼。而預買之端可絕。此不禁之禁也。遼東土廣人稀。最宜施營田之法。副叅遊擊守備等官軍馬。不必長聚。

城中令各自擇肥美之地據形勢立軍營就將所領兵馬常川駐劄而分地以耕有警則聽截殺無警則就近耕牧所分地畝永不起科不知兵者必以守城爲言。譬之人家。鎮城是其寢室。形勢阨塞之地乃其門戶與衝要之路也。門戶有守。衝要有守。主人可高枕而臥矣。若門戶不守而惟寢室之謹。不亦愚乎。助初至遼東寧遠前屯。達賊每入則徑奔官路。擄掠人畜。後巡邊擇要害三道溝等處設立三營。令官軍將久荒飢土儘力開耕。許其永不起科。一年之後。三營

之軍。遂有餘糧達賊。再無敢犯官道者。又瀋陽拾方寺去處地土極美。但臨邊有山賊常登之以望內地。以是久棄不耕。遂築牆包山于內。而于山頂立一大臺以瞭望。虜寇遂絕瀋陽。至今米價爲之獨賤。蓋營田之法。且耕且守。大行則大利。小試則小利。比之屯田尤爲便利。宜大地方恐亦可行也。榆林自米脂以西地涉深沙而行。車不可前。騾驢馱負。三日而後至鎮城。東西邊堡遠者。又須十餘日。驢騾自備料草已重。所載正糧不能數斗。故轉運最難。延慶二府差近。

而甚難已如此况西鳳各府乎。延慶若熟不可不多。買預積以備轉搬也。寧夏地宜五穀兼有蒲魚之利。人言黃河在天下皆爲害。獨寧夏爲利偏關仰給本省二處區處本色頗易。但不可缺乏年例折銀耳。

議吐魯番入貢事

吐番入貢

甘肅之憂在糧食不足。恐日後不能自守。而吐魯番之患其次也。方木蘭旣降。彼之謀主已喪。雖誠僞不可知。羈住甘州在我掌握。但須豐其廩餼以堅其歸心。保其妻子以制其逸志。謹其防閑以消其他虞。可

皇明經世編

李康惠疏

卷之一

吐番貢

五

平露堂

也。帶來底沙諸夷就食于我者。聞已大半各還舊居。若其果然。又邊境一幸也。如有未去者。速宜濟以行糧。勸令早歸本土。趁時耕種。在彼爲長久之便。在我無肘腋之患矣。其入貢諸夷于吐魯番。宜諭以瓜沙諸夷皆我良民。防爾擾害。遠來附我。今已遣還爾等。宜各守封疆。毋相侵害。則進貢之路。長久可保。若仍前侵擾。彼來赴愬。則當拘爾貢使。絕爾賞賜。依前閉關。不復容爾往來矣。于天方諸國使臣。宜諭往歲閉關。止因吐魯番犯順。爾等自來忠順。不在所絕。今後

宜依期入貢。見常貢一子聖主義在柔遠不貴異物。毋得常格

外別貢珍玩以邀厚賞。又聞諸夷入關各官頗有求索。沿途又多稽難。宴犒之類。亦甚菲惡。宜通行戒諭。毋致生怨起釁。至于哈密一事。固未敢遽議興復。以勞人費財。亦未可輕議棄置。以辜瓜沙諸夷仰望之心。姑羈縻之而已。其吐魯番國勢昔有人自其國逃來。言彼國都東西可二三百里。南北七八十三。人以種植田獵爲業。帳族散處。每帳能載者三分之一。通國一起可五六千人。必數月而後合。命則其主延首

領及散卒素有謀者竝入一密室謀之室中上鋪紅

毯其主南向而坐東西相向各鋪白氊首領以下依

斥兵如此所以小而能強

次就坐主乃策其下曰我等出兵若中國布如此陳

何以破之用如此器何以禦之首領以次各陳其見

擇一善者乃殺牛設誓期以必死故每戰雖敗不退

最能支久自彼國至哈密六百餘里經黑風川三百

餘里無水草瓦刺多于此邀而覆之自哈密至嘉峪

關一千二百里亦有無水草去處成化時劉寧出軍

四十八日而後到路雖近而行難故也三子速檀滿

連兒有同母弟曰巴巴。父最强，素欺其兄。異日必奪其國。異母弟二人曰真帖木、忍帖木，僅能自存。彼將入寇，必驅瓜沙諸夷以爲前驅。又約瓦刺以助其聲勢。使我鎮巡有謀，宜結瓦刺以伐其交。厚瓜沙諸夷以爲間諜。俟其兵至肅州，我但堅守不出。小堡難守者悉併入大堡而堅守之。數日之後，彼之銳氣無他。自然挫矣。我乃出兵二三千，立牢固營盤而守之。每出游軌以擾其牧放。彼追則走，彼去復來。不過數日。彼將計窮而遁歸。俟彼返路，我以精兵隨其後。彼若

來攻固守而不與交鋒。我無亡矢遺鏃。而彼之進退
狼狽。則瓦刺瓜沙皆將作難于彼。而我收全功。至于
所以挑瓦刺瓜沙者。又在將官用机用智。難預圖也。

豐財用材

豐財用材

防禦邊患。雖非一事。總其大要。不外兩途。曰豐財用
材而已。以豐財言之。月糧賞賜俱有定額。此每鎮經
常之制。可以預而計者也。行糧料草。師出無常。此每
鎮不時之需。難以逆而知者也。弘治以前。每邊在倉
糧料。皆百萬以上。陳陳相因。蓋非一日之積也。後遭

正德十五六年之間、費用俱盡、各鎮倉廩皆空、宣大遼東延綏寧夏爲甚、而甘肅爲尤甚、姑指一事最易見者言之、如米每石值銀一兩、而官散折銀六錢、是官軍每月止得米六斗而少四斗、軍何得不貧、米每石值三兩、軍多餓死、是官銀三兩止當銀一兩之用、官安得不費、各邊衆口嗷嗷、皆咎巡撫不于有收之際預買以省銀、巡撫非不知出此、其如無見銀何、人又咎戶部出納之太吝、然戶部每歲額外解發各邊官銀、動輒至數十萬、或百萬、不爲不多、然歲入已盡、

皇明經世編

李康惠疏

豐財用材

卷之一

平露堂

而上不足以塞請者之求。蓋以數年之深弊非歲月之可以驟舉其勢然也。理財者自古爲難。而在今爲尤難也。臣嘗備員各邊頗識其俗。請舉一言以贊末議之萬一。曰預而已。假如各邊于歲用外。每歲預得見銀二十萬兩。別儲之。歲小收則可買米二十萬石。大收或倍之比之以三兩折米一石。在官獲三倍之利矣。○安○說○于○也○田○之○外○惟○此○一○法○蓋各邊穀粟之價不論豐凶十二月以前其價儘可正月以後則日貴一日。商賈興販之術亦無他巧。只

是米賤則買于民米貴則買于官若官府銀有餘米
賤時買于商而以銀折放官軍月糧米貴時俱發本
色官軍咸而商賈亦不得以年大利矣以用材言
之取邊任之才與內地異邊將之選與文臣異副叅
以下又與大將異大抵文臣之用于邊者當取其深
治邊材不出此數語
沉有實材者爲上警敏識兵勢者次之而小廉幽謹
此種最能令人談說奇特
避謗遠一者非其人也其好名刻薄之徒不可用之
必壞邊事大將爲貴持重有謀能節制偏裨而不專
于勇副叅守備但有地方之責者固當選其勇然非

廉則地方受害。遊擊中軍千總之類。是爲軍鋒。必以
勇力爲主。而不可責備。宜行各邊總制巡撫會同巡
按御史將見任副叅以下。從公開註其人材器堪任
何官何地。分別優劣。具奏黜陟。仍于屬內體訪。果有
材堪將領者。坐名保舉擢用。若大將內有不稱任者。
在京從科道。在外從巡按御史。指實劾奏罷斥。然邊
方之事。征戰固在將領。戎務所寄。實在文臣。近來臣
僚之選。皆重內輕外。而于外之中。又重腹裏而輕各
邊。在邊有聲望者。不久多改內地。欣然以爲陞秩。或

稍遲則人必慢易之矣。古稱天下安危其重在邊。而臣又以爲邊地安危其重在文臣。嘗自歷陝西查得各邊倉糧被官攢通同姦徒虛出通關侵盜者動以千萬計。時管糧兵備憲臣多考察才力不及者或老弱不振者調除不惟不能禁下人作弊亦有身親爲之者。豈惟是哉。甚則身爲巡撫亦復効尤。邊備奈之何其不大壞也。自皇上中興以來宿弊一清斷無此事。然臣猶以爲言者弊俗重內職而輕邊任猶未盡變而各邊管糧兵備之選猶輕也。至如州縣之職。

尤爲親民陝西雲貴四川廣西遼遠州縣稅糧差徭。皆供邊之數。而撫養百姓尤安邊要務。各正官動輒半年或一年缺員。銓司間有除補。彼或畏難。徑自舍之而去者有矣。甫及數月。又以朝覲離任。年餘不肯復往者有矣。此風不變。邊方困苦之軍。受衛所之害。而無人爲革。邊方愚弱之民。受有司之害。而無人爲主。故我皇上雖有堯舜之仁心。仁聞而遠方赤子。至今十年。尚未得蒙至治之澤也。伏望聖明留意。

條陳弊政疏

條陳弊政

一止調操以實內地。我朝官軍調操之制，肇自永樂初年。京師兵少，調發中都、大寧、山東、湖廣附近官軍輪班上操。宣德、正統以來，踵爲故事，日益加密。除南方各省未暇遽論外，如河南、南山、東、南、直隸，俱京師咽喉。山西、陝西，又中原形勝要地。各處官軍或調操于京師，或調操于各邊。本地無軍可守，臣昔備員陝西右布政使，經過潼關，詢其實在軍士，不過數名，驚問其故，始知皆在各邊操備。後盜入商洛，鎮巡官議欲赴救，無軍可遣。河南、南山、東、直隸，武備單弱尤甚，以故

盜賊縱橫莫可禁禦。劉六王鏜足爲前車之戒。臣熟知前項調操官軍在京止堪備做工之役。在邊則將領給私役而已。供饋送而已。于國有行糧料草之費。于私有賫送科尅之苦。而又未嘗得其實用。今昔相因以爲舊規而不敢變。此軍旅之所以日耗而內地日益空虛者也。如臣愚計。省行糧以雇遊食。何憂工役之乏。以行糧而募土人。何慮邊旅之寡。通將調操官軍留于本處。委官兼同民壯精加操練。如鄰境有賊。則互相策應。又或一邊告急。則合力赴援。如此貧

以工役軍此大弊政

軍無侵尅之害，地方得保障之功，比之不問有警無警，一槩分派調操者，強弱多寡之勢，又不可同年而語，此一弊革而數利興者也。

一足衣糧以恤邊軍，臣惟戍邊之卒，烽火斥堠，終歲不休，鋒鏑死亡，朝夕不保，比之京輔之軍，勞逸安危，何啻百倍，近年調取邊軍，征勦流賊，貫串于河南山東江淮間，又久屯京師，出入禁地，稔見內地軍民安逸脆弱，有子女玉帛之供，無飢寒危迫之患，未免有不均之歎，起羨慕之心，萌輕視之志，況又各邊撫臣

撫處失宜。將領剝削日甚。往往以衣糧不足。嗷嗷于軍門。擅殺不忌。推求其本。軍情之所以易動者。因無恒心也。恒心之所以失者。由衣食不足也。臣願皇上勅下吏兵二部。查議各邊撫臣。有不宜于邊者。急宜置之。賢者久任之。或由僉都陞撫。由副陞左右。而不輕移動。糧餉不足。戶部查議給足。不許將領尅減。令沾實惠。而又察其疾苦。時其勞逸。彼將感恩圖報之。恐後。何變之足憂。如此。則邊徼安。天下安矣。

遼東據處殘破。邊城疏略。撫處事宜

臣因明春開原將有事于修邊今冬先須親詣彼處相度事勢規畫糧料過瀋陽涉蒲河經懿路循汎河邊牆處處倒塌墩臺僅存頗垣是邊防之狼狽不獨開原一處爲然也又行至鐵嶺訪舊疆界今已盡棄約七八十里之廣西則三衛達賊直至定遼河東則海西達賊直至背陰山中間止存一路不及里餘行旅尙被搶殺田地曷敢耕種若背陰之路不通開原之咽喉遂絕雖有智者不能爲之謀矣是開原之危急不獨三萬遼海二衛爲然也及抵二衛地方殘破

之狀官軍愁苦之容有不忍正目者臣自任事以來
見得三衛軍多逃移極力招撫未有應者近蒙 聖

旨大發內帑之金又有欽賞之頒然後逃亡來者頗
多昔日開原殘兵不滿一千今四千有餘矣鐵嶺兵
不滿數百今一千餘矣臣每見復回之人處處駐馬
詢其生事皆以手加額曰目前感戴 聖恩粗可度

且但恐日後衛所科差逼迫出辦不前難以存活蓋
殘破之餘招來困難撫處尤難招來之後不繼之以
撫處則招來之人又將散而之四方矣譬之久病疴

羸之人。必須一切屏絕外事。專心調理。庶有可生之望。若少擾之。則其死必矣。史凱劉琨長于招懷。短于撫御。臣以爲不然。琨人臣耳。撫御之策。非遇明主。

朝廷耳。

將安所施。故有周宣中興之聖。而后能成勞來還定。

安集之功。今臣身處邊方。幸賴聖明在上。謹具撫

處事宜。除暫免屯糧。已經會題外。今將查訪過地方。

應合施行者三事。仰塵睿覽。倘蒙採擇施行。邊方

臣民不勝感幸。

一日停馬價以撫貧軍。照得本鎮官軍該出椿朋馬。

價銀兩。每年春秋二季。收放買補馬匹。給軍騎操。係是舊例。但前三衛逃亡軍士。今初招撫赴操。若又追徵馬價。已難出辦。况見在軍士。不及原額十之三四。若又陪包逃亡軍士馬價。一人之身。兼償數人之負。人情益覺不堪。合無將三衛拖欠正德十六年馬價銀兩免追。待後年歲豐熟。另行議處。庶貧軍不受逼迫。

二日停造作以恤邊衛。照得撫屬每衛一年額造盔甲腰刀各一百六十件。弓張撒袋各八十副。張長箭

四千八十枝圓牌四十四面該料銀七十二兩該役匠作數多臣至三萬遼海鐵嶺三衛稽考軍器詢其匠役則以被擄逃亡爲詞查其物料則以年荒犯欠爲解欲將管局官員重加責治見其身寒體羸不勝鞭撻廣詢傳訪皆稱衛所委的無人無料難以造作查得各衛見在造完軍器處處有餘足敷數年之用若將三衛軍器免造二年未至缺乏

三日省繁文以杜科擾查得所屬二十五衛每年造冊繳報起數至多繳吏部三件繳戶部十五件繳禮

部二件、繳兵部九件、繳工部四件、每造文冊一本、輒用六七本、一立案、一繳衛、一繳都司、或守巡苑馬行太僕寺、一繳該部、一繳該府、一奏繳、雖是舊規、其實無益、邊方紙張難得、能書者少、遠路買紙、高價雇人都司等衙門差人催迫、驛遞被馬騾口糧之擾、衛所被供送打點之擾、解冊又有盤費解扛之擾、科歛紛然、貧軍受害、若文冊足以革奸弊、存之可也、足以備查考、存之可也、臣昔歷任戶刑工三部屬官、親見解冊既到、置之高閣、不爲蟲鼠之所毀傷、則爲姦吏之

所費用。並不曾見于繳到冊內。查出何項錢糧以充國用。但以其舊規而姑存之。已爲過矣。况又有不係舊規者。乞勅各部將前項文冊查照緩急。何項止造一本。何項止類總數。何項通行減免。免一分。則民受一分之賜。以一方一起計之。若費財不多。若通天下計之。則其費多矣。

皇明經世文編卷之終

皇明經世文編卷之一百一

華亭

陳子龍臥子

宋徵璧尚木

編輯

徐孚遠闇公

吳嘉胤繩如

楊廷樞維斗叅閱

李康惠公奏疏

疏

李承勛

陳言邊務疏

邊務

一日豐糧餉以招逃散、照得開原并各城堡逃軍、先
因月糧賞賜、數年缺支、內外各官、科歛民財、逼買貂

皇明經世編

李康惠疏

詞陳邊務

平露堂

鼠馬匹、夷器等物以贖其財、搶奪首級、淫占婦女、以失其心、此等軍役、一身在逃、家產盡棄、妻子田地、屬之他人、今聞此輩、多在金復等衛、及海島等處潛住、若錢糧克足之時、出給告示、許其自首還伍、若十日之內自首者、將在前欠伊月糧、一併通給、二十日首者、准給一半、一月首者、准三分之一、違者許諸人首告捉拿、并窩家兩鄰、照例問罪、解發在前拖欠月糧、通不補放、俟其到衛、追還妻子以繫其心、給與原產以安其業、則人心固而軍伍實矣、所可憂者、倉廩空

匱人無固志、目下地方十分危急、乞檢臣先次會題事理、速發官銀、以濟邊餉、地方幸甚、

二曰處夷情以消後患、照得正德十四年開原官軍斬殺賊首速長加等一節、是非功罪、廟堂自有公論、但日久未奉處分、外則夷狄積怨愈深、內則邊軍疑懼不解、乞勅該部速行議處、臣又訪得中間被殺之人、有係都督指揮等官、而其原領勅諭亦多毀失、此等夷人皆其會長、父兄子弟、既已被殺、朝貢交易、又各絕望、其糾合黨類、報怨犯邊、勢所必至、前任巡撫

都御史張禴亦慮及此。曾遣都指揮薛澄通事佟斌等前去撫諭。續據撫順所指揮劉尚德報到。番文內稱衆人外邊過不得。速長加一起做歹的都殺了。不虧他。我們商議殺了老子兒子。在殺了哥哥兄弟在。豈不得喫布草不得。窠段子襖子。我們地方不出衆人。怎麼過。今着惱克來苦告。有竹孔革孛羅失保哈。搭搭革等就來噓頭赴罪。帶我照舊開原行走。據此情節。則交易之利。彼不能忘。朝貢之望。亦何敢絕。但父兄被殺。子弟不得襲替。以此不敢款塞耳。臣愚以

爲宜遣熟夷招致被殺者子弟。諭以 朝廷威德。罰弗及嗣。許其照舊襲替朝貢。其有失落勅書者。驗審有據。亦與更換。則遠夷心服。後患可消矣。

三日復邊防以嚴保障。查得開原舊額有堡八所。墩臺一百六十餘座。當時將領得人。邊防嚴固。雖有達

賊。勢無能爲。近年以來。選將不問勇怯。惟金多者得

公在遼東。築堡臺。古築於山。諸堡墩

之。邊牆任其倒塌。而不修。臺堡任其克去。而不報。但

望百八十所。屯田千五百頃。

遇地方有事。即便厚歛。彌縫。年復一年。其弊滋甚。八

堡已克其五。墩臺俱各失守。烽火無從傳報。按伏全

是虛名屯田之人殺擄殆盡達賊直至開原城下人
尚不知以此城中軍士有田不敢種有山不敢樵坐
食空城張順待哺餓死之人無日無之可謂至危至
急之秋矣臣嘗詢訪邊方年高知事之人衆說紛紜
各有所見樂因循者曰軍士飢疲不可有爲此言似
矣不知屯堡不復飢疲終無已時喜事功者曰不一
勞者不永逸此言似矣不知十餘年之廢墜固非一
日所能舉夫事功不可驟爲而時日不可玩愒期以
三年事當就緒照舊規調取金復海蓋等衛修邊夫

邊方興二族染邊須精兵務染防殺

丁一萬六千餘名，每年以三月爲期動工，兩月而罷。
調本鎮精壯軍馬一萬二千人，督率前去，劄爲四營。
外爲禦虜之計，內施畚築之功。兩月工畢，卽便散還。
將原先守堡守臺兵馬發去填實，傳報烽火，自近而
遠，以次開闢，開一尺則守一尺。比之暫來暫去，有名
無實者異矣。然動工固難，而積糧尤難。以兩月通筭，
丁夫一萬六千餘名，約用口糧一萬餘石，軍士一萬
二千，約共行糧一萬八百餘石，馬料約用豆二萬一
千六百餘石，草七十二萬餘束。必須逐年趁收成時

糴買每年以十月備糧。兩月興作。所貴人不久勞。而
事可漸舉。查得本鎮舊有郎中一員。專管糧儲。但開
原僻居一隅。事難兼濟。乞勅戶部另委員外郎或主
事一員前來。專一整理開原糧餉。候工程完日。回京
四日擇机宜以便戰守。蓋聞用兵之要。能謀而後能
戰。能戰而後能守。開原邊事固當以守為主。尤當以
謀爲先。訪得海西等衛夷人。其部落多者不過數百
人。少者不過三五十人。每入爲寇。必借人借馬。相期
數月而後能舉。兼其酋長凶惡者固多。而向善者亦

此夷兵強而勢分。四宗時聚。建諸衛。

至二百餘亦有譯意也。

有又有一種土人。俗號爲土高麗者。住近開原。人素
驍勇。舊日亦曾効用。若開誠心以招之。懸厚賞以誘
之。上則可使以夷攻夷。中則可使黨與離貳。蠢爾小
夷。若猶稔惡不悛。仍來犯我邊陲。擾我工作者。則其
數亦不能甚多。當督率三軍。運謀戮力。或據險以遏
其入。或設伏以邀其歸。乘虛以擣之。用間以疑之。多
方以誤之。又乞假以威權。使得展布。有功者賞不踰
時。干法者立斬以殉。可攻可守。惟機會之宜。或退或
進。無掣肘之患。則號令齊一。賞罰嚴明。如此而士氣

不振。敵人不畏。未之聞也。臣訪得舊日邊方失事。多因探報不明。號令無素。倉卒遇賊。首尾不救。强者敢于深入。而陷入伏中。弱者見賊。卽走而搖動陣勢。昔人謂用兵如兒戲。臣以爲此兒戲之不如。若此弊不革。臣恐無以善其後也。

陳芒部事宜疏

芒部事宜

據各官勘得該府開設之初。設立土知府一員。流官通判一員。經歷一員。隨司辦事。原立火頭一十六名。總管二名。里長三名。分管夷徠。認辦糧差。無亂。近年

已故土官隴慰娶水西女冲中爲妾所生長子隴慶
次子隴沙剔隴壽又娶烏撒女冲叔爲妾隴慰故被
姪隆福姦占冲叔生子隴政懦荅女阿黑後隴慶故
隴沙剔亦故遺下鬼妻奢郎未曾婚配在于却佐種
住阿濟收伊爲妾後隴壽與隴政爭官仇殺隴壽孤
弱依憑先存今故沙保在于地方梧桐山住坐正德
九年隴壽見得隴政勢大不能抵敵搬移却佐地方
避住日久與嫂奢郎相通有孕正德十二年正月十
一日丑時生男乳名隴勝隨母在于舊芒部府沙保

塞撫養八年至嘉靖三年內告蒙上司將隴壽保送襲職仍蒙暫與冠帶署管府事復被隴政計令族叔阿柏報仇陰謀殺死仍欲謀滅隴勝彼時沙保知覺將隴勝并壽遺下金銀手飾錦段牛馬等物偷路送往却佐地方伊叔阿濟處護養見年二十三歲審據各耆老把事火頭并大小夷苗俱稱係隴壽真正骨脉夷情信服應該保舉及查阿濟舊係長官白壽一族原係芊部和尙一種不係隴氏枝派恐有隱諱不的又經差人前去却佐地方行取隴勝驗視親見該

其後以知府激變沙保作逆以致用兵

府年高耆把跪拜道傍以禮迎接護送見各夷實有
歸服之心供報一詞再無異說職公同議得芒部自
改土爲流亂無寧日既該委官取具該司官書目把
舉保隴勝供結前來相應俯就量授佐貳職銜署管
本府印信二三年之後果能鈴束夷民撫安地方奏
復知府四長官司相應照舊存留隴勝旣擬復官則
舊管把目歲辦稅糧朝貢額種地土相應清復新設
學校等衙門相應裁革其防禦一節議得威清兵備
先年因西堡長官司管下阿得獅子孔二枝蠻民聚

衆爲患謀殺土官，奏設專在安庄住劄，控制諸夷。後因芒部不寧，暫于畢節撫處。蒙巡撫貴州右副都御史楊一渙題將貴州迤西原設兵備副使，常在畢節住劄。所轄畢節烏撒赤水永寧四衛，正與烏撒烏蒙東川芒部永寧四府一司相對，合令兼制。已經題奉欽依。備行前來除遵依外，但畢節東至安庄一十三站，西至普安一十二站，每一出巡，動經數月。况原奉勅書所地方，如安南普安衛州西連雲南霑益羅雄，南接廣西田州泗城等處，與程番安順永寧等撫

州諸夷聯絡叛服不常見今安順州西堡阿得獅子
孔恃險負固不納糧馬鎮寧州則有隴太奢姑之爭
印普安州則有隆寧適腔之爭官又與田州惡目郎
犴郎豹仇殺不已本官俱該往來撫處禁治欲專于
畢節住劄兼制迤西地方不無顧此失彼委實不便
合無于貴州按察司暫添兵備一員請勅專在畢節
住劄整飭永寧赤水烏撒畢節四衛及鎮雄東川烏
蒙烏撒永寧宣撫四府一司操練軍馬禁止盜賊凡
一應軍民詞訟官吏賢否俱聽管理其層臺白崖摩

泥普市黑張瓦甸等驛站鋪陳站馬錢糧通行總理
若有地方夷情應呈四川者呈請四川應呈貴州者
呈請貴州各鎮巡衙門定奪仍兼管分巡貴州道候
事寧之日另議裁處其威清兵備仍照仍于安庄衛
住劄議照 朝廷之威令以順逆爲與奪今諸夷旣
協心効順當取其悔悟之新以爲柔遠之策臣等博
訪輿情熟度事理爲處芒之計者其大約有七

一曰因地方以定土流芒部設在川貴極遠之邊道
路之險習俗之殊固嘗稔于聽聞今臣等親由永寧

赤水以至畢節重崗巨箐馬不成列間關已是百備
又由畢節以至鐵鎖關而入備訪山箐益深道塗益
塞部落有名巢居非所人形獸跡據險爲安其飲食
男女性情好惡與中土之人天壤懸絕其地不同是
爲異域其性不同是爲異類于此而強欲奪其故態
比之馬湖易以流官非惟法不可行而勢亦是不能
行。况流官 皇上之流官也土官 皇上之土官也。
孰非臣妾孰非藩屏其可與否惟在宜于人情合于
土俗以地方獲安爲善計耳何擇于斯何利于斯而

拘拘改流以病民哉。

二曰慎夷情以續絕世。隴氏之族止遺隴勝當時議者惑于疎遠過房與年少無知之說以故釀成改流之議。今芒部諸夷無大小衆寡合詞保稱的係隴壽存日與故兄沙剔鬼妻奢郎所生夷人無綱常之理有骨脉之重。例應從俗。及備訪夷情阿濟爲諸酋之強勝者。而部落見之則立隴勝以三尺之童。而部落見之則跪可見犬羊之類執性最堅。而其机與勢有牢不可破者矣。平時人皆知之能言之而不敢輕爲

議復者以事體重大疑而未決及查得副總兵何卿
先年任叅將守備永寧時常舉呈四川巡撫衙門比
以改流之說勝而事遂中止矣其過房恩養之說誠
無所據及近奉勘合該部等衙門尚書桂萼等會議
得土官土舍或爭襲或仇殺朝廷興師問罪甫定
之後建議者卽欲改設流官及流官再設而土夷隨
叛殺人奪地比昔尤甚蓋作惡者不過一二人今乃
一二人之惡而遂致改易一府一州拂其本心違其
約信所謂犯衆怒也是以屢勦屢亂而兵革卒無寧

王新建之處置一田州亦然

日。合無凡有土官惡逆被顯戮者。通拘所部頭目。令其舉保應立。力足以制服夷衆之人。或土官之子孫弟姪族人。但爲衆所推服者。卽立之。則次序旁出之爭息矣。等因。備咨前來通行曉諭。由是夷夏之大分以明。地方之群疑始解。繼以罷兵息民之旨下。而夷情輸服。捷如影嚮。昔唐裴度有曰。韓洪與疾討賊。承宗斂手削地。非朝廷之力能制其死命。特以處置得宜。能服其心故耳。與今日處芒部之事。蓋有合于載而一致者矣。

三日尊威令以示懲戒。查得該府舊曰芒部。新曰鎮雄。據法論理。官可還其故物。府難復其舊名。宜崇新命。仍曰鎮雄。使隴氏子孫。世知先代爭官仇殺起兵攻討。革府還官之故。庶犬羊之性。有所警戒。而朝廷之威令。永永如一日也。

四日存四司以專責任。查得該府原無屬司。近因改流。于却佐立懷德長官司。見任阿濟。毋響立威信長官司。見任祖保。夷良立歸化長官司。見任白壽。落角立安靜長官司。見任阿萬。今規畫既定。及查各該地

方周圍數百餘里相應照舊存留責令各守地方一
 應應納糧草應當站馬應辦朝貢與大小事情悉聽
 該府約束如有抗違及部下夷酋或不時竊發負險
 剽掠及結交鄰府幫助為惡各因地方追問懲治

大約治西南諸夷以處置

五日明賞罰以定事情隴氏之禍其始而嫡庶爭官
 互相仇殺事宜于處而當時誤于用兵事亦往矣既

為上用兵○為○下○

而改土為流沙保激于試知府程洸之乖方遂糾衆

沙保死後為阿濟所獻

與兵縛官奪印罪誠有之今族滅無遺類上足以昭

其屍并妻孥斬於時鎮洸即借此處兵后立鎮

國法下足以懲橫逆而阿濟等雖有微過亦可以將

功贖^輝罪。若復逆其既往。究沙保昔日之僞。以正其罪。責夷狄于太過。以絕其自新之路。况昔日之所以僞者。若等垂涎官印。所欲未遂。而心有未服耳。當時用事諸臣。阨于險阻。亦難于辨別。今日舉衆之獻寶。皇上之恩威。有以畏服其心。而功出于異常。茲爲善後之計。宜頒布威令。赦阿濟等之罪。以賞其擒獻之功。聲沙保滅族之誅。風示夷虜。以爲覆轍之監。如此則桀驁者知所戒。而効順者知所勉。賞罰明而夷情定矣。

六日嚴守備以塞禍源。芒部諸地與烏蒙烏撒水西
鹽倉東川等夷互相聯絡。尋常因事仇殺。與小醜出
沒乘機竊掠。乃其常事。而畢節實諸夷出沒之所。川
貴藩籬之區。必武備修舉。而後外患潛消。及查威清
地方。如果南跨廣西之田泗。西接雲南之霑益。利害
所關。亦不爲緩。合無俯從郡議。整飭威清兵備。見任
韓士英駐劄安莊衛。專制安南普安一帶地方。仍于
貴州按察司添設僉事一員。請勅駐劄迤西地方。兼
管該道分巡。專制畢節烏蒙烏撒鎮雄東川赤水永

寧四府四衛一司、合用軍士卽于四衛中取用、仍于
新添馬步官軍三千數內存留一千于畢節、應更番
者更番、應操練者操練、并錢糧站馬、通屬管理、其地
方事體、亦聽四川巡撫巡按節制、如此則官有專責
而藩屏無空隙之乘、人有忌憚而犬羊絕窺伺之念
一司之費有限、而地方之賴甚多矣

七日下重令以戒聯絡、查得諸夷互相聯絡、世結婚
姻、往往輒因親戚以生仇怨、如已故土官隴慰娶水
西女冲中生子曰慶興壽、繼娶烏撒女冲叔生子隴

政。旣而仇殺。水西則爲隴壽之助。烏撒則爲隴政之黨。近日沙保凌犯畢節。實由水西之勾引。而沙保乃水西原日陪嫁之奴。事出有因。禍實陰構。除沙保族誅以正其罪外。乞俯降綸音。垂戒諸夷。令其各守封疆。保身守職。開自新之路。以消聯洛之患。于未萌之日也。以上事理。臣等一一備訪夷情。廣咨衆論。而驗之已往。揆之將來。方敢集議。上請如蒙乞勅兵部會議廷臣。如果事理相應。令無上稽。前王興滅之典。近倣國朝安南故事。將隴勝量授佐二。或同知。或通判。

職銜署掌印信。候三年之後果能鈐束夷人撫安地方。保復知府流官通判照舊選用。及于畢節添設兵備以戒戎兵。存留四長官司以資分理。庶幾內治修而外患戢矣。其該府原設日把額辦稅糧舊管田地相應清復者與新設學校陰醫僧道守禦千戶等衙門相應裁革者均乞議處。候命下之日行臣等遵奉施行。阿濟等夷仍乞頒布威令以示戒懲。如是則法之密者反以爲惠而威之重者益以爲恩而夷情之服永永如一日矣。陛下如不以臣等之言爲然

或旁觀窺視者忌其成而撓以他說臣又有至當不易之理爲陛下究竟而極言之且如夷狄之性互相仇殺乃其常事時或有之諺曰夷狄相傷中國之利言雖鄙俚至道攸存萬一千流官有所損傷于係朝廷臣子行止之間遽難輕議由是觀之夷之不可以爲夏也土之不可以爲流也斷斷然矣故自古帝王不治夷狄豈有所憚而不爲哉蓋欲以不治治之乃所以爲治也後此漢棄珠畔人以爲美唐處延陀人以爲戒往事有足徵者又鄒賢孟軻曰仁者以其

所愛及其所不愛、不仁者以其所不愛、及其所愛、民
吾同胞所愛之赤子也、夷我異類所不愛之犬羊也、
仰惟 陛下仁同覆載、德竝帝王、願無以其所不愛
及其所愛、天下幸甚、

防禦大同事宜疏

防禦北虜

切惟天下之事、每患于見之不早、而敗于備之不預、
書曰、惟事事有備、有備無患、易曰、君子以思患而預
防之、蓋机不可不預設、而變不可不先圖也、胡虜爲
中國之患、自古所不能免、自正統十四年土木之變、

自是而後、屢屢犯邊、搶殺我人民、殺戮我官軍、小人則小利、大人則大利、正德十一年、搶至居庸關北口而止、後嘉靖六年正月十七日、又復南侵、殺我官軍六百員名、竟無遺失、獲利而歸、亦未嘗遭一折挫、輕我之心、自此益肆、南侵之謀、未嘗一日而忘也、目今放牧威寧海子等處、養精蓄銳、欲乘秋高馬肥、弓勁之日、大舉而南、臣以爲威寧海子等處、離宣大二鎮不遠、尅期可到、若非在我隄備有方、計出萬全、鮮不仍覆前轍、况兩鎮糧草空虛、兵馬削弱、加以我軍屢

遭挫折、怯氣尚存、全無鬪志、不知臨期何以禦之、言之實可寒心、聞之往年遼東朶顏等三衛夷人、乘大虜寇邊、常往營中偷盜馬匹、故大虜達賊時加隄備、雖欲南侵、意尚狼跋、近朶顏等衛達賊犯邊、殺死馬蘭峪叅將王道部下指揮李鉞等一員、千戶一員、軍人三十餘名、而未聞有大營盜馬之信、是彼又少一敵也、何所顧惜而不來耶、無恃其不來、恃我有以待之、無恃其不攻、恃吾之不可攻、兵法亦旣言之矣、臨變圖策者、緩不及事、先敵致勝者、萬無一失、北虜之

難敵其說有五焉。生長邊外，日以騎獵爲生，拈弓馳馬，習以爲常，一也。日冒風雨，夜宿曠野，性耐飢寒，二也。富者保老營而往牧，貧者借弓馬以寇邊得利而歸，分半以償。性蠢貪利，不惜死生，三也。牧良馬，淬器械，窺我虛實，乘我無備，洶湧而入，四也。熟知山川險易，擄去人口，資爲鄉導，五也。我軍之不能取勝者，其患亦有五焉。一曰任將之不專，古之人君之命將也，曰閫以內寡人制之，閫以外將軍制之，而兵法亦曰將能而君不御者勝。蓋萬人之命皆係于一人，若非

假以權柄伸縮由已則臨敵之時誰肯捨生而用命哉故殺一退縮者則千萬人知畏古人有婦人亦可驅之使赴敵者用此道也近日邊將動輒顧忌遇有報到聲息每以自全爲計賊之來也任其四散搶掠剗營遠望不敢前縱遇戰有退縮者未嘗輕誅一人人心何所畏懼哉臣愚以爲急勅兩鎮總兵官彭樸等明開虜賊在套若官軍臨陣有不用命退縮者聽其斬首則官軍皆知軍法之嚴而無敢有退縮矣二日烽火之不明蓋墩臺之設所以瞭虜賊動止爲邊

方耳目也。近日各邊墩臺雖設有官軍，徒有名存，實無濟事。虜賊臨邊，或因下墩取水，或因當夜而竊。甚者提鎖墩軍，問我虛實。虜賊之來，疾如鷹鷂。故炮火未聞，而賊已遍川矣。近堡人口頭畜，牧斂不及多，被殺虜滿載而歸，由舊路而出。邊方失事，率多由此。臣愚以爲虜賊之志，在于搶掠而已。若使傳報有節，炮火分明，遇有聲息，各堡收斂人畜，堅壁清野，彼則四散劫掠，一無所得，則必攻堡。而我亦有備，人馬困憊，空北而歸，雖不與之戰，而彼之志亦墮矣。所謂以逸

待勞者此也。三日邊儲之不實，蓋邊鎮無不以兵馬爲先，而尤以糧草爲急。語曰：千里饋糧，士有飢色；冒飢而殺賊，恐無能也。兩鎮軍士辛苦萬狀，止靠月糧度日，別無生理。矧父母妻子之所賴，衣服日用之所需，皆仰給于此，而月糧折色給銀七八錢，米價騰高，則止糴四五斗，自給不暇，遑恤其他？聞號卽行，腹常不飽，安望其勇于赴敵而樂于効死也？卽今腹裏地方災傷，錢糧多從蠲免，臣愚以爲宜速下戶部從長計處，寧使凡百事從儉，無令邊備空虛，則食足而兵

可強虜無足患矣。四曰器械之不精。傳曰器械不利以其卒與敵也。近聞各鎮軍士禦敵器具擔塞日久自衛不及。何以望其挫強虜而成功也。臣愚以爲宜行鎮巡官員令其及時整理。如或軍貧不前則聽其隨宜處置。務令鋒利。則禦敵有具而不患其無備矣。五曰失援之法。輕孫子曰常山之蛇。擊其首則尾至。擊其尾則首至。擊其中則首尾俱至。各路將官顧慮太過。自分彼此。如往年宣府叅將關山遇敵于白羊堡。力戰一日。兵寡難支。總兵官傅鐸領兵出城相向。

咫尺坐視不肯應援以至損傷數多至今尤以爲恨

及其終也至于閑住而已則怯懦者何所懲戒乎臣

此係軍信

愚以爲宜勅各邊將官但有虜賊入寇併力勦殺如

地之僻太拘故也

有畏怯自保逗遛不進致有失事者厥罪惟均必在

不宥則人心知所畏警人力齊而虜可破矣詩云迨

天之未陰雨徹彼桑土綢繆牖戶今大虜住牧時將

陰雨禦虜方略實亦不可緩也臣本書生不諳邊務

其得之見聞者不敢緘默伏望 皇上軫念邊鎮重

地早下廷議如何而可使北虜大遭挫劫如何而可

使我邊兵糧大集以消邊鎮未形之患以紓皇上
非顧之憂衆謀僉同上請早賜施行

勘處倭寇事情以伸國威疏

勘處倭情

是時日本主源義隆初推臣內藝興細川高專

臣等看得前項夷寇敢于中華肆行叛逆各該地方
政藝興遣僧宗設川高遣僧瑞佐各來貢先後至

官員先事不能防禦臨變不能勅捕漫無籌策坐失
寧波舊例以先後至爲坐次十船內使受瑞佐贈

机宜以致荼毒生靈專據城池劫奪庫藏燔燒官府
後至而坐宗設上設怒道相殺瑞佐奔紹興宗設

戮官殺將辱國損威莫此爲大及查據前後奏章俱
追至城下殺我指揮千戶等官巡按歐珠以聞

各事涉掩覆而言辭多遁情狃寬縱而功罪未明該
部節次覆題亦不過按據來文遷就議擬雖云行勘

亦主故常所以屢賈宸聰多是曲爲裁荅卽今因循日久未見回報不惟賞罰淹留而人心懈玩抑且法令廢弛而欺蔽肆行昨見朝鮮國王李懌奏稱倭奴打攪上國至殺官兵不伏天誅偷生盜境仰仗皇威勦殺幾盡并將賊首二俘首級三十三顆及長箭缸總等物差刑曹叅判成洗昌等齎領并將搶回人口王漾等八名管押前來獻之闕下臣等相顧動色殊覺懷慚肆聞中外頗喧物議以爲堂堂天朝統御萬國而東南疆場之臣忘忽武備廢棄職守反外

皇明經世編

李康民題
卷之二

著者作
手

平陽書堂

夷人之不若方且務要掩蔽苟逃罪譴若不嚴加究治何以懲戒將來恭照鎮守三司守巡重臣濫膺

朝廷藩方重任不能協謀畫策以保障地方海市備

鄭端簡所云市舶可以無華市舶司內官不可不

倭衙門不能遵守舊規嚴設武備以防禁禍亂寧紹

華也

府衛所寨掌印巡捕大小官員坐視夷寇縱橫來往

于封域之內殺戮攻劫于旬日之久如蹈無人之境

累無捍禦之方以上各官職任雖有不同俱各無所

逃罪訪聞前項二起倭夷到來之時實因各官從事

怠忽處置失宜釀成禍亂及至變作劫殺又一籌不

展狼狽失措貽害生靈甚至以城門之局鑰付之賊手以日本之國號封我倉庫舉火自焚船司差官爲賊鄉導閫帥墮地而走匿民家守臣棄城而縱賊焚劫沿餘姚江吶喊殺人地方之驚擾可知抵紹興城逼令獻賊府衛之官司何在且宗設所領倭夷不滿百十餘人而寧紹兩郡居民何啻百萬今乃任彼兇殘肆意攻掠畢竟無與爲敵尚謂國有其人致使蕞爾島夷蔑視華夏蹂躪城郭破壞閭閻殺死都司方面官員執虜指揮貽國大恥事出非常中間隱匿事

情得于道路傳聞未易悉舉。及查得指揮馮恩奏詞亦曰其中情節隱碍尚多不敢盡露。今若止令鎮巡官查勘回奏竊恐上誤。朝廷事机下貽地方災害法令幾乎不振功罪恐亦不明。况巡按御史當時倉卒聞奏稽察未精鎮守等官身負罪愆豈肯吐實臣等夙夜思慮實懷隱憂伏望皇上軫念海隅蒼生。罹此兇變兼係夷裔猾夏事關國紀特遣近臣素有風力才望者一員領勅前去寧彼地方逐一查勘前項失事緣由明白分別功罪等第參詳奏來然後重

行誅賞。大明陟罰。庶人心以定。國威以伸。而東西

即同宗設來貢

邊徼。皆聞風知所警懼矣。載照宋素卿。本寧波人。背棄中國。潛從外夷。正本朝叛賊。法所必誅。正德年間。勾引外夷。俱來入貢。事已敗露。將置重典。乃以金寶厚賄逆瑾。夤緣特旨。幸逭天刑。今次復因此人。激成宗設之變。訪問宗設。倭舡先到。而盤貨在後。素卿倭舡後到。而盤貨獲不。宗設內已不平。及舶市太監置酒命坐。又以宗設席次。抑置素卿之下。其心愈加懷憤。構此禍端。實爲戎首。若不明正典刑。梟首海濱。則

將來射利効尤之徒。習爲謀叛。靡可遏絕。伏望特勅兵部將今次朝鮮國報獻賊倭仲林望古多羅二名。俱遵照明旨送都察院詳審明白案候。仍將二倭押發浙江解赴欽差官處。令與宋素卿對鞫前項搆禍緣由。及彼國差遣先後并勘合真僞來歷。具招奏聞。一同處治。其宋素卿宗設黨與見在監候者。中間審有中國從叛之人。俱各一體梟首示衆。仍要拘審鄉鄰里老人等。根查素卿本宗。及平日知情與交通貿易。或爲鄉導奸細之人。鞫問情真。照依律例問擬。

奏聞從重嚴禁以杜後患其餘審無他情上請聖

其後瑞佐

裁合無編發不近海道邊方散布安插決不可令逐

竟釋還故國

國使遠夷知我虛實引惹邊患遺禍無窮再照臣等

稽考載籍日本在東海之中古稱倭奴魏以來已通

中國其地度與會稽臨海相望在勝國時許其互市

乃至四明沿海而來艤艦數十戈矛森具出其重貨

與中國人貿易卽不滿所欲則燔燬城郭抄掠居民

往往爲海邊州郡之害我祖宗灼見其情故痛絕

之當開國之初八荒向風四夷賓服雖西北勁虜亦

皆欵塞。惟是倭奴時或犯我海道。是以山東淮浙閩廣沿海去處。多設衛所以爲備禦。後復委都指揮一員。統其屬衛摘撥官軍。以備倭爲名。操習戰舡。時出海道。嚴加防備。近年又增設海道兵備副使一員。專管。可謂防範周且密矣。是以數年來。彼知我有備。不復犯邊。奈何邇來事久而弊。法玩而弛。前項備倭衙門官員。徒擁虛名。略無實効。寧波係倭夷常年入貢之路。法制尙存。猶且敗事。其諸沿海去處。因襲日久。廢弛尤甚。乃者宗設作亂。大是叛逆。得意揚帆。入海。

而去。該部題奉欽依通行各處備倭衙門一體防禦，
及責令緝捕，務在得獲，亦復徒具文移，何曾着實修
舉。伏乞特勅兵部議擬，合無選差官員領勅前去，由
山東循淮海歷浙達閩，以極于廣，會同巡撫官員按
部備倭衙門親歷海道地方，查點原設官軍，閱視舊

事之處深矣

後來辛馬嘉靖間數年之患公先

額墩堡。盤驗見在兵器。官軍缺乏者。卽與換給撥補
墩圯壞者。卽與修築。官員之不才者。卽時易置。法制
之未備者。卽時區畫。庶使海防嚴禁。中土奠安。可以
防海堦不測之虞。可以壯國家全盛之勢矣。再照海

外諸國各載諸 皇明祖訓者凡十有五。而日本與
焉。其下註曰。本雖朝貢。暗通奸臣。謀爲不軌。故絕之。
及嘗觀本朝吏部侍郎楊守陳家藏文集。亦復惓惓
以倭夷變詐兇虐。時以刀扇小物。褻賣 天朝。規牟
大利。不當與之通好。觀于今日之事。則 皇祖貽謀
萬代如見。而儒臣論事。後世足徵。其應否通貢事宜。
關係重大。臣等未敢擅議。乞 侯查明。奏至之日。禮部
奏請勅下。勅戚文武及在廷群臣。詳加會議。上請定
奪。其羈留編管夷人。合待彼國嗣有遣使到來。然後

明降詔旨切責。一并另議處分。及照朝鮮國送來被
搶人口王漾等八名。雖審有鄉貫來歷。亦恐或係潛
從倭夷之人。合無解回本處官司。審有的確。方可發
落寧家。又查得福建市舶太監奏稱。有海上夷人數
十。遭風漂舡。奔逃海岸。乞食被獲。卽已逐日。開給口
糧。撥軍防守。亦欲伺便放歸本國。臣等竊料此屬恐
是宗設餘黨竄逸到彼。乞勅兵部查行都察院。將倭
賊仲林望古多羅譯審。責令供稱。宗設手下據其所
知夷黨姓名若干。却將福建見獲夷名比對。倘有一

二相同。卽係宗設之黨無疑。則當解赴浙江以憑查勘。若其非是。乞勅兵部亟行福建鎮巡三司及市舶衙門。將前項收穫夷人。亦要以宗設作亂事情。會官嚴加審譯。或將一二用刑考鞫。蓋夷情譎詐叵測。未可輕信。務得真情。從長酌處。不許輕易。致使別有規避。其各該地方官員。失于瞭報。俱各作急查提。問明會議回報。宗設犯華之罪。不可使之竟脫天誅。况夷賊搶掠中國舡隻。不任風濤。未能返國。必且出沒海隅。掩我不備。况其侵狂漂掠之虜。尤乞通勅沿海各

處備倭衙門。整擷官兵。修理戰艦。習風候時。出海洋
瞭捕。務俾罪人斯得。國威以伸。而聖天子日月之
明。雷霆之令。真足以照臨八表。震警萬方矣。

覆霍韜軍職疏

軍職冒濫

洪武時。內外大小軍職。載在職掌者。原有定額。其後
除授漸多。員數冗濫。遂至帶俸官。加于原額。不知凡
幾倍矣。請將在京在外衛所軍職。查其額外加增之
數。開具揭帖。進呈御覽。以俟集議汰省。若內之錦
衣衛。冗濫尤甚。宜自今嚴禁援引陳乞之輩。庶官無

浮蠹而國用少舒。又洪武中定制。令武職子弟襲職。至年二十。比試不中。署事食半俸。三年後再試不中者。降充軍。此于世襲之中。實遇遴選裁抑之法。今之襲職者。臨試悉納賂權貴。雖乳臭小兒。無不中格。使軍職益濫。而材力忠勇之士。無由自見。此舊規所當

所謂

申明者。又

太宗平交趾。斥土服遠。大功也。乃謀于

賞費十一時也

夏原吉。僅陞首勲。餘班賚而已。景泰間。令浙江福建。殺賊官軍。獲功五次至七次者。陞一級。天順間。令南方殺賊二十五次至三十九次。斬首三顆。擒賊首一

二人及死陣者陞一級其慎爵秩如此邇來奏捷者奏帶者緝妖言者捕獲竊盜者紛然冒陞不可勝計此弊蓋出于正德中權姦用事假爵賞以鬻私恩今業已查革猶望陛下痛懲往弊以杜將來

論時事疏

勦寇取夷河工召對

臣聞忠臣之義死不忘君心懷隱憂豈能緘默山西潞城之賊數百人耳倚山負固類穴中之鼠計取則易仰攻則難官軍輕用其鋒累取挫衄合四處之兵十數倍之衆以討小寇而不統于一人臣竊憂之用

兵在謀不在衆事權當一不當分昔勦山寇滿四葉
宗劉輩皆用近寨壯丁賊中脇從以收全功顧用之
者方略何如耳宜行鎮巡各官彼此協和先爲可勝
之計而後以兵隨之有功則同賞誤事則同罰亟爲
蕩平以安黎庶川貴芒部之役連年用兵再勝再叛
必其處置乖方亦有不能服其心者頃又欲調永順
專在川兵也土兵進討所過剽竊慘于盜賊且新自廣西放還又
聞遠調不免怨恣念茲數省比年兵荒軍民困斃今
又爭蠻夷無用之地強置流官使腹裏良民陷于塗

炭。臣切哀之。宜命提督尙書伍文定。深惟安攘之遠。
猷。毋一意于用兵。遠人安則邊境安。而數省之民舉
安矣。豐沛河工。二年之內。三易大臣。用人以丁計者。
三十餘萬。用銀以兩計者。二十餘萬。而尙未有成效。
始也講之不熟。而遽行繼也主之不力。而中止一行。
一止糜費孔多。愚以爲宜令群臣知水事者。各陳所
見。下工部議。若所見不同。則行侍郎潘希曾親爲相
度。百聞不如一見。詢謀僉同。然後興役。治天下在決
壅蔽之患。以通天下之情。周禮宮正綴衣。皆以賢士

漢宣用龔遂于渤海。召見問所以治郡。郡守且然而
況他乎。唐宋有專對。次對。不時召對。因事請對。故事。
祖宗朝每遇大事。必召群臣而詢得失。蓋事之委曲
者。必須從容口盡。而難一一以文字陳述者。召對之
際。不唯可以商確政事。而人之賢否。尤爲易見。願察
成周命官之旨。參以唐宋故事。恪遵 祖宗家法。天
下幸甚。

耕籍親蠶疏

重農桑

耕籍親蠶之事。三代以下。非無行之。而草率文具。不

足稱述獨漢文帝二年詔開籍田。又賜民田租之半。
故其時衣食滋殖。刑罰罕用。伏望 皇上取以爲法。
因此二事而思小民衣食之孔艱。皆以重本抑末爲
主。燕閒之際。見帷幄服御之類。卽思曰。得無有製錦
繡。逞淫巧。以害女工者乎。見器用車騎之類。卽思曰。
得無有進珠玉事侈靡。以病農工者乎。享玉食之豐。
卽思曰。凶年飢歲。得無有困衣食而。不安于田里者
乎。有思以成獄上讞者。卽思曰。得無有刑罰過于德
化。使赤子無所措手足乎。察中外臣工實心愛民者。

進之。虛浮無實者黜之。又籍田隙地皆可耕種。官道之傍皆可植桑。自近京邊海推而廣之。至于天下。申飭有司。田地荒蕪者。召人承佃。而寬其租賦。逃移失所者。招回復業。而貸以牛種。有益于農桑者。無一不舉。有妨于農桑者。無一不去。則衣食足而禮讓興。教化隆而刑罰措矣。

皇明經世編卷之終